



## Palle Jerimiassens tale i anledning af Grønlands nationaldag

**Taler**  
Palle Jerimiassen  
Borgmester, Avannaata Kommunia

**Dato**  
21. juni 2024

**Sted**  
Ilulissat Rådhus, Noah Mølgaardsvej 9, Ilulissat 3952, Grønland

- 1 **Avannaata kommuniani kommunalbestyrelsi sinnerlugu tamassi maanga takkussisimasusi tikilluaqquassi ullorsiornitsinnilu pilluaritsi.**

Nuna sanarfisassaavoq innuttaasut kiffaanngissusiarnagit, innuttaasulli  
5 akisusaaffimmik tuniorarlugit imminnut akisussaaffigisunngortillugit.

Nersorpakka innuttaasugut eqeersimaartut, innutaasugut tamangajaavimmik  
aalajaallutik suliffeqarput ullullu tamaasa assakaasut ingerlanneqarnerannut  
annertuumik tapertaallutik.

10

Innutaasut imminnut tatigalutik, imminnut akisussaaffigalutik, pisortanut  
utaqqiinnartuunatik sapiissuseqarlutik inuiaqatigiit assakaasuannut  
tapertaallutik imminnut pilersortut innuttaraagut.

15

Avanaata kommuniani innutaasutta ilisarnaatigaat piumassuseqarneq,  
nammineerusussuseqarneq, angusaqarusussuseqarneq  
pilersitserusususeqarnerlu.

20

Inuiaqatigiit assakaasui ingerlakkusuppagut innutaasut pinginnaasaat  
atorluarlugit.

Inuit pinginnaanilissuit innuttaraagut, tamannalu communalbestyrelsimiit  
tulluusimaarutigiaannarpalut.

Inuiattut ataatsimoortutut uatsinnut suleqatigiippugut.

25

Inuit kommunitsinnut akileraarnermikkut kivitseqataasinnaasut  
pisariaqartippagut, kommunitsinni sulisussanik amingaateqarnerput  
annertummat.

- 30 Assakaasut ingerlaussappata ingerlaannassappatalu, innuttaasullu uneqattaanngitsumik sullinnejassappata, suliffeqarfíllu sulisussanik amingaateqarlutik uneqattaartumik ingerlassanngippata tamatta uatsinnut pisariaqartippugut.
- 35 Inuaqatigiit assingiinngitsorpassuit allamiut suliartortut ullut tamaasa suliffeqarfínni amerlasuuni suleqatigaagut aamma ulluinnarni illoqarfitsinni nunaqarfitsinnilu innuttaasut ornittagaanni pisiniarfínni allanilu inooqatigilernikuagut.  
Ukiunilu kingullerni avataaniit suliartortartut amerliartornissaat  
40 saneqqunneqarsinnaarpasinngilaq, naatsorsuutini takuneqarsinnaammat inuit suliffeqarfínni amingaatigisagut suli amerliartussasut.
- Inissaaleqineq sulisussaaleqinerlu tassaapput kommunitsinni unamminartut annerpaartaat.
- 45 Taamaattumik communalbestyrelsi aalijangernikuovoq inissianik sanaartornerit sanaartorfíssanillu nunagissaanerit sukkanerusumik ingerlasariaqartut.  
Sanaartornermut aningaasalissuutaasartut qaavatigut aningaasanik amerlasuunik atorniarnissaq communalbestyrelsip siunniuppaa,  
50 sukkanerusumik inissamik utaqqisut initarsinnaalernissaat aqqutissiuunniarlugu.  
Sanaartornerullu sukkanerusumik ingerlanneqarnissaa piviusunngortinniarlugu.
- 55 Kommunitsinni iliuuserisimanngisaannakkatsinnik sapiiserluta iliuuseqalerpugut.  
Kommuniuvugut nutaaliornissamut sapiissuseqartoq ingerlariaqqikkusuttorlu.  
Iliuuseqanngitsut kukkuneq ajorput, aamma iliuuseqanngitsut uninngaannartarput uagulli ingerlariaqqikkusuppugut.
- 60 Takutikkusuttuaannarparput paasitikkusullungulu kommunerput kommuniusoq inunnik qitiutitsisuusoq aamma eqqunngitsumik pinnittoqaraagat iliuuseqartartuusoq.  
Ullut tamaasa Kommunimi sulisugut sullippot innuttaasut pitsaanerpaamik  
65 sullikkusullugit.  
Piffiit ilaanni sulisunik amingaateqarnerup kingunerisai sulisut ilaannut sulipilunnermik kinguneqartarput.

- Suliammi ilaat ima oqimaatsigisarput sulisunut annertuumik peqqissutsikkut  
70 sunniuteqarsinnaasarlutik.
- Sulisugut nersortaqaaakka aamma paarilluarneqarnissaat kommunalbestyresimiit  
pingaartinnerpaavarput.
- Taamaattumik uagut qinikkatut inisisimasuuusugut sulisut sakkussaannik  
ikiorneqarnissaannullu sakkulorsornissaannut eqqummaarinnerulluta  
75 pikkorinnerusariaqarpugut.
- Innuttaasutta ulluinnarni sullinneqarnerat pitsaanerusumik ingerlalissappat  
nunap allap inatsisai nunatsinnut assiliinnarlugit nuussiinnarluni  
inatsisiliortarneq unitsinneqartariaqarpoq.
- 80 Inatsisit ilaarsiinnarunnaarlugit, nungusarsinnarlugit, inatsisit nutaanngorlugit  
aaqqinneqartariaqarput, innuttaasugut pitsaanerusumik atugaannullu  
tulluunnerusumik sullinniarutsigit.
- Nammineq nunatsinnut inooriaattitsinnut innuttaasunullu tulluuttunik  
85 nunarput inatsiseqartariaqarpoq.
- Nuna namminiilerusuttoq inatsisitigut nunamut allamut  
qilorsorneruliartuinnarsinnaanngilaq.
- Massakkut suleriuserput oqimaattorujussuuvoq inatsisit ilaatigut  
naammassisinnaanngisagut sulinitssinni tunngavigisariaqarta-ratsigit,  
90 nalunngikkaluarlugu sualummik isorliunerusuni sullinniakkatsinnut  
sulisutsinnullu piumasaqaataasunut naammassineqarsinnaanngitsut sulisutigut  
ilinniarsimassutsikkut atortussatigullu amingaateqarnitta siammasisumillu  
inooriaseqarnitta kingunerisaanik.
- 95 Ulluinnarni suliat ilungersunartunik taasartakkagut ilaatigut paquminartunik  
taasartakkagut nipangiutiinnarlugit toqqortussanngilagut, aamma  
nalinginnaasumiit allaaneruppata annernarpataluunniit  
tunuarsimaaffigissanngilagut eqqartussallutigit.
- 100 Pisimasut ilumoortut paasisariaqarpagut ajorpata ajunngippataluunniit.  
Taamaasiortoqarpammi aatsaat allannguinissamut sakkussaqlissuugut  
allannguinissarlu siunertaralugu sulinerput ingerlateqqissinnalissallutingu.
- Paasisagut nutaat atortigit inuiat akornanni paasinninnerusumik  
105 ataatsimoorfiusumillu inooqatigiinnissatsinnut.  
Inuusuttut qujanartumik ersarissumik oqaatigisalernikuaat Inuiattut

- 110 kinaassuserput suli ersarinnerusumik atussagipput, tamannalu  
suliakkiissutaasoq inuiattut ataatsimoorfittut nukittorsaatigalugu  
atorluartariaqarparput.  
Utoqqartagut ataqqinartut tusarnaarnerusariaqarpagut.
- 115 Inuaat ingerlarsortut sorlaminnik siuaaminnik ataqqinnittut  
ineriartornerminni pisariaqartippaat utoqqaat misilittagaat tusassallugit  
paassisallugillu.  
Katersugaasivik inuussutissarsiornermullu immikkoortortaqarfipput  
suleqatigiillutik kommunitsinni utoqqaat oqaluttuat immiullugit katarsorlugit  
aallartinnikuuaat.
- 120 Utoqqaat namminneq atugarisimasatik, misigisarsimasatik,  
inuussutissarsiornerminni misilitakkatik qujanartumik kinguuaminnut  
tunniukkusullugit suleqataalluarlutik oqaluarisaat katarsorneqarput uatsinnut  
iluaquutaasussanngortillugit paasisaqarnerulersillatalu.  
Kultorikkut, timersornikkut susoqartillugu inuaassuserput ataatsimoorfittut  
ersersittarparput, ataavartumilli tamanna ingerlattariaqarparput.
- 125 Inuaqatigiiusugut kamak, akiniaaniarneq, akeqqersornerillu atorlugit  
attaveqarniartarnerput atorunnaartariaqarparput.  
Taamatut iliornерит kinguneriinnartarpaat ataavartumik imminut taamatut  
piuarneq.  
Oqaatsit sequserinernut ikinngutigiinnerillu kipitinneqarnerinut  
atorneqarsinnaapput, illuatungaanili oqaatsit sakkutut atorsinnaavagut  
pitsanngorsaatitut ataqtinnerunissatsinnullu paaseqatigiinnerunissatsinullu.  
Kiinnamiit kiinamut imminut qiviarluni maniguuttumik oqaloqatigiinneq  
130 inuit akornanni eqqortumik paaseqatigiinnissamut aqquaavoq.
- Ikinngutigiinneq ataqqeitatigiinneq paaseqatigiinnerlu taassaapput  
matuersaatit ineriartoqatigiinnisamut paaseqatigiinnissamullu.  
Inuttut ilittut ittumik allamik inuusoqanngilaq, aamma ilittut ittumik  
135 inummik allamik inuusoqarnikuunngilaq, pisariaqartippatsigit.
- Inuk ataaseq avissaartuutitsippat eqqaamassavarput amerlasoorujussuarnik  
inoqarmat nakkaqqagutta kivitserusuttunik, aliasunnitsinni  
sernesaarusuttunik ikuukkusuttunik aamma kaffillerusuttunik.  
140 Neriuppunga siunissami isummagut assingiinngikkaluar-pataluunniit

paaseqatigilluarsinnaalissasugut killissaritaasut qaangerlugin  
iliunngikkaluarluta.

- 150 Qanga pisimasut ilinniutigalugit siunissamut isumalluarluta inuuneq  
ullumikkut atugarput inuuffigitigu.  
Ataatsimoorneq ataqqillugu, ikioqatigiinneq pingaartillugu,  
assingiinngissutsigut isumallu assingiinngissinnaanerat ataqqillugu tamatta  
suleqatigiissuugut.

155

**Tamassi ullorsiorluarisi**  
**Qujanaq.**

**Kilde**

160 avannaata.gl

**Kildetype**

Dokumentation på online medie

**Tags**

165 Festtale

**URI**

<https://www.dansketaler.dk/tale/palle-jerimiassens-tale-i-anledning-af-gronlands-nationaldag>

170

175

180